



ეროვნული  
დემოკრატიული

# საპარტეზო


სურათებიანი ლამაზება

ბაზეთის № 124

ღამათების № 23

კვირა, 5 თიბათვი, 1916 წ.

1916 წლის  
თიბათვი



მოსანი ჩახრუხაძე. ესკიზი პორტრეტისათვის ვლ. ხ.-ერისთავისა.

## სტრიქონები

### შეხვედრა.

ვიდრე განახალი მე ბევრს ვიცნობდი, მაგრამ სულ მალე მავიწყდებოდა; ვეძებდი ალერსს, ვეძებდი ტრფობას, ვეძებდი მიზანს, გული მწყდებოდა. ეჰ, რა ვიცოდი შენის შეხვედრით სული ამაყი დამეწვებოდა, და ჩემს ზაფხულის მზიანს დღეებში ცივი ზამთარი ჩამოწვებოდა.

### ლოდინი.

ცივლითა სიომ შეითამაშა, მიუალერსა ნამენარებს, ფიჭებს; და უნაყოფო ჩემმა ლოდინმა გულში ადგილი დაუთმო იქვებს. შენ კვლავ არ სჩანდი, მზე ჩაესვენა, ტყე დაიბურა, ჩამოწვა ბინდი ვერ ავიტანე ზღვა-მწუხარება დავემხე პირქვე და ავქვითინდი. და როს ლოდინით მოტყუებულნი ჩემი თვალები ცრემლად დნებოდა, საღამოს სიო ობლად მდგომ ფიჭებს რალაც ძველ ზღაპარს ეუბნებოდა.

### დანაშაული.

ნახვის სურვილით დამონებულმა ქუჩაში დიდხანს, დიდხანს ვიარე, შემთხვევით შეხვედი შენს დობილ ქალსა და საიდუმლო გაგუზიარე. ვიგრძენი რალაც დანაშაული და შემდეგ როდეს შენ დობილს ვხედავ, ვწითლდები, ვმორცხვობ და შენს შესახებ მსურს, მაგრამ სიტყვის თქმას ვერა ვხედავ.

### კეკლუცობა.

ერთად დავდივართ. ერთად ვსეირნობთ ჩემო ოცნებავ, ჩემო ლაურა, და შენი ქცევა და სიკობტავე დღეს მეტის მეტად მეუცნაურა. რა ვქნა, ასეთი ლამაზი კაბა შენ არასოდეს გიტარებია, და რად კეკლუცობ, განა არ ვიცი?! ალბად შენ ვინმე შეგკვარებია. არა, არ გკითხავ, ვინ არის იგი არ მსურს გავიგო და იცი კი რად? ვაჰ, თუ მოვსტყუებ და სითამამე ნაღველად შექცეს და გულის ჭირად.

### გ. მეგრელიშვილი.

Handwritten notes and signatures in the right margin, including a checkmark and the name 'ჩახრუხაძე'.



ომში მოკლული მუხრან-ბატონი და ქართველი სტუდენტები.

# „სახელოანი“

(მცირედი რამ ამბავი)  
(დასასრული)

## XIII

იქნება ცნობის მოყვარეთ ისურონ შეტყობა მისი, თუ რა წამალი დასდო ვინმე ივანეს ან თუ რა ყოფაშია ამ უამად იგი.

ივანემ დიდი ხანია თქვენი კირი წაიღო. და აღარც მოკვონებია ვისმე იგი. შემდეგში, რაც პირველ კრებაზედ არ ახსენეს მისი სახელი ორჯელ-სამჯერ. ხოლო რა დაემართად იმის ქვრივ-ობლებს, დღესაც არავინ იცის. ან კი რა საჭიროა ყველა ეს? იმისთვის ხომ არ გამოვიდა ივანე მოედანზედ, რომ მას ან მის ცოლზედ ჰმეფებოდა რამე. მან თვისი დანიშნულება პირნათლად შეასრულა. ივანეს უნდა ვუმაღლოდეთ, რომ რამდენიმე წყება გამოჩენილი მოღვაწეებისა შეემატა სამშობლოს და, რაც უფრო თვალსაჩინოა, აფრასიონმა მოიხვეჭა სახელი და დიდება — „სახელოანი“ გახდა.

მართალია აფრასიონის „გასახელოანობაში“ სხვა გარემოებათ შეუწყეს ხელი, მაგრამ მაინც იმასაც იმავე ივანემ შეადგმევინა პირველი ნაბიჯი „სახელოანობის“ კოშკის დირეზედ, ხომ ძრიელ მარდათაც მოექცა ამ კოშკს ზედ წვეროზედ.

## \* \* \*

ხოლო გაუკითხავად მტკიცება მისი, რომ ივანესა და მისი ცოლზედლისათვის არავითარი მნიშვნელობა და საკეთილო შედეგი არა მოჰყოლია მოწინააღმდეგეთა ბანაკების ერთი ერთმანეთთან შეხლას, სრულ უსამართლობას მოასწავებდა. ისეთი ხანგრძლივი და ნაყოფიერი პოლემიკის მიმდინარეობაში, როგორსაც აწარმოებდნენ მოწინააღმდეგეები, სხვათა შორის, ორი დებულებაც გამოიჩინა. ერთი — რომ ივანეს მამული, უფრო კი ამ მამულისადმი სიყვარული, და საზოგადოდ გრძობა მამულის შეილობისა სულიან ხორციანად სწამლავდა და ამისთვის საჭირო იყო მიეტოვებინა იგი მამული, როგორც მიზეზი მისი აუწყრელი და აუტანელი უბედურებისა. — ამ დებულების მომხრედ სრულიად და ადვილად გაიმარჯვეს ვერ ისევ მაშინ, როცა არც კი დაე-

სკნათ საბოლოოდ ეს დებულება, ვინაიდან ივანე, როგორც იყო უკვე ნათქვამი, გარდაიცვალა და მისი ქვრივ-ობლები, თუ ვერ არ შესდგომიან მის გზას, ამოჰყოფენ თავს სადმე შორს სრულიად განთავისუფლებულნი მამულისაგან და ბედნიერი და უზრუნველყოფილნი მამულიშვილობის შხამით მოწამვლისაგან.

მეორე დებულება — რომ ივანესათვის ძრიელ ხელსაყრელი და სასარგებლო იქნება, თუ მისი ნაჭერი მამული, რომელზედაც ახლა ყვავ-ყორანი ბუდობს თანასწორი უფლებებით შეუქავშირდება და შევა უცხო მეზობელთა წრეში. — იქნება გვიან, მაგრამ აშკარაა ამ დებულების წამომყენებელნიც უთუოდ გაიმარჯვებენ.

ასე რომ ორივე მოწინააღმდეგე მხარე ჭეშმარიტებას ჰლაღებდა და შრომობდა, ცდილობდა ივანეს კეთილდღეობისათვის. მაშასადამე, ორივე მოწინააღმდეგე ბანაკის ჩხუბი და დავიდარება ივანეს სასარგებლოდ სწარმოებდა და მისსავე სასარგებლოდ დაბოლავდა.

## XIV

ბევრმა შავმა ღრუბლებმა გადაიარა ცაზედ და უთვალავი თეთრი ღრუბელიც თან გადაიტანა. დედა-მიწის ზურგზედაც ბევრმა წყალმა ჩაიარა. აფრასიონმაც გამაიგონა სურვილი ნიშანი, გაიკეთა ზედ და დაუღალავად განაგრძობდა კაცობრიობისათვის დიდად სასარგებლო თვის მოღვაწეობას ასპარეზზედ, რომელიც გულუხვად გადაუშალა მას უცხო და ვრცელმა მხარემ. მაგრამ... მაგარიც ის არის, რომ ერთმა მისთვის აქამდის უცნობმა გრძობამ გაიღვიძა თუ უტბად ამოჰყო მასში თავი — ამის შესახებ თვითონ აფრასიონიც ვერ მისცემდა თავისთვის ანგარიშს, ხოლო მის არსებობას, ბევრიც რომ ცდილიყო, ვერ ჰყოფდა უარს.

ეს უცნაური გრძობა იყო, რომ აუტანელ მოუსვენრობაში ჩაავდო აფრასიონი. სკამდა, სვამდა უწინდებურად; თვის სარბიელზედაც საქმე უფრო წარმატებით მიჰყვანდა. მაგრამ მაინც ვერ კმაყოფილდებოდა ამით, როგორც წინად, თითქოს რაღაცა არსებითი რამ აკლდა მას. ტკბილი ძილი ხომ დიდი ხანია დაკარგული ჰქონდა. და ამ უძილობამ უფრო გაუ-

ჭირა საქმე. ხანდისხან თუ ჩაეძინებოდა, უთუოდ ესიზმრებოდა ან თეთრი დიდი ქვა, რომელიც მისი მამის, განსვენებული აპალონის ეზოში ეგდო და რომელზედაც იგი ბავშვობაში აბობლდებოდა ხოლმე და მერე ძირსა ხტებოდა; ან იმავე ეზოში მდგომიარე მსხლის ხე. — შევიდოდა თუ არა თვალი ხის ნაყოფში, აფრასიონი განუშორებელი სტუმარი იყო ამ ხისა. სულ კენწერ-კენწერ დაივილიდა ხოლმე მთელ ხეს. ბევრჯელ დედაც შეუდგებოდა ქვეშ და შეჰჰახოდა: „შვილო, აბა ჩამომიგდე კალაში მსხლები“, რასაც აფრასიონი სიამოვნებით ასრულებდა. აი მხოლოდ ამისთანა სიზმრების შემდეგ თუ ეძლეოდა აფრასიონს ცოტადენი შეება და მოსვენება, თორემ სხვა დროს აუტანელ მოუსვენრობას განიცდიდა.

მოუსვენრობამ და უძილობამ, ნამეტნავად, ძრიელ დააუსტეს აფრასიონი და ბოლოს კიდევ დაავადმყოფდა. წამლობით გულმოდგინეთ წამლობდა, ხოლო არაფერი წამალი არ ეკარებოდა მის ავადმყოფობას და თუ არ უარესობა, უკეთესობა არ ეტყობოდა.

რა კი ავადმყოფობამ მოუჰპო აფრასიონს საშუალება საზოგადო სარბიელზედ მოქმედებისა, ახლა იგი ოცნებითა და მოგონებით ლა სულდგმულობდა. წინად თუ სიზმრად ჰხედავდა თეთრ დიდ ქვასა და მსხლის ხეს, ახლა ცხადათაც იგონებდა მათ და თავის ბავშვობასაც, როდესაც იგი ფეხშიშველა და თავშიშველა რბოდა ხან ხის ქვეშ, ხან ქვის გარშემო და თანაც მზის ცხოველი სხივები ხან სასიამოვნოდ ეალერსებოდა ხეს მას, ხან უწყალოდ სწვავდნენ და აი სწოვდ ამისთანა მოგონების დროს იგი გრძობდა, რომ თითქოს შორიდანაც კი სასიამოვნოდ ათბობდნენ მის გულს ეს ცხოველმყოფელი სხივები მზისა; გრძობდა იგი ამავე დროს იმასაც, რომ რაღაცა უხილავი ძალა ეწვევა მას ამ სხივებისაკენ და მასთან ერთად ესმოდა თვისი გულის თხრობაც: „იქ, იქ არის უებარი წამალი შენი განკურნებისათვის“.

განა კი არ მოუვლიდა ხოლმე აფრასიონს ხანდისხან თინი მოჰხვეწებოდა ქვასაც და მსხლის ხესაც და გულთანად დაეკოცნა, — ისე კი, რომ არავის

დაენახა — მაგრამ ვინ მისცემდა ნებას დაბრუნებულიყო იმ მხარეში, სადაც იმყოფებოდნენ მისი ბავშვობის მეგობარნი? არ კი ეგონოს ვისმე, რომ აფრასიონი გაძევებული იყო სამშობლოდგან ისევე, როგორც უხსოვარ დროს ბერძნები აძევებდნენ სამშობლოს მოღალატეს. არა, განა რა ჩაიდინა ამასთან აფრასიონმა! იგი სულ სხვა საქმეზედ და სხვისგან იყო განდევნილი.

## \* \* \*

დიდის მეცადინეობის შემდეგ მაინც მოიპოვა აფრასიონმა ნებაართვა და გამოეშურა მზის ცხოველმყოფელი სხივებისაკენ და ამ სხივებმაც მალე იჩინეს მახედ თვისი გამკურნავი ძალა. თითქმის სრულიად განკურნელი იყო, როცა უახლოვდებოდა იმ არე მარეს, სადაც გაატარა ნეტარი დრო ბავშვობისა.

აფრასიონს მკერდიდან გული ჰვარდებოდა და მის წინ მისწრაფოდა და იგიც გაფაციცებით მისდევდა თავის გულს. აი, შევიდა ნაცნობ არემარეში. ათვალეირებს თვის საყვარელ ქვას — აღარსადა ჩანს, ახალ პატრონს არემარისას ქვა მიეყიდა მესაკირეებისათვის; ეძებს სატრფო მსხლის ხესაც — აღარც მსხლის ხეა, მის ადგილზედ სადღუქნე შენობა არის გამოკიმული.

ერთად ერთი ნაცნობი აფრასიონისა მხოლოდ არემარის პატრონი ლა აღმოჩნდა. დაინახა თუ არა ამ უკანასკნელმა ეზოში მოხეტიალე აფრასიონი, საეჭვო პირად ჩასთვალა ავი, გამოვიდა შინიდან ყურებამდის ულვაშებ გადაგრეხილი და შეუყვარა მას: — ვინა ხარ, რას ეძებ?

ხოლო აფრასიონს დიდად იამა, რომ ბედმა შეახვედრა იგი თვის ძველ ნაცნობს და ამასთანავე მისგან დავალებულს და ტკბილად მიესალმა: — ოსეფას გაუმარჯოსო!

— ვინა ხარ?  
— აფრასიონ გვარაძე ვარო.  
— ვინ აფრასიონ გვარაძე?  
— განა ველარ მიცნობ?  
— აბა რა ვიცი საიღამ უნდა გიცნობდე!  
— მე ისა ვარ, სამზღვარზედ რომ მოგვეგებე, როცა ამ მხარეში მოდიოდლი.  
— როდის მოვდიოდლი ან როდის მომეგებე — რას ამბობ?

\* \*

მშვიდობით ლელი, მითხარი წყნარა,  
კრძალვით შემხედე... გამშორდი მალე,  
წრფელი ნუგეშიც არ მომე, არა,  
ისე გულცივად ჩამომეცალე...


საფლავის ქვაზე მიტოვებული,  
დავემხე მწარედ, დავემხე ობლად;  
ცეცხლით მეწოდა გული ვნებული,  
არავინ მყავდა მე თანამგრძობლად...

ცას ამშვენებდა ვარსკვლავთა რხევა,  
ცას ამშვენებდა ნარნარა მთვარე;  
მსურდა — ვერ შევძელ ცრემლების ფრქვევა —  
მპოლოდ გიჟივით გადვიხარხარე...

კიკნა-ფშაველი.



ჰაეროვლანი პარიზზე.



წყალქვეშა ნავის ღურბინდი (პერესკოპი)

— მაშ აღარ გახსოვს?! ამ ნიშნით პატარა აბგა-ხურჯინიც რომ გეკიდა მხარზედ.

— მე შენი ვერაფერი გამიგია! ვხედავ ზღაპრების თქმის გუნებაზედა ხარ, მე კი არ მეზღაპრება. მითხარ, რა გინდა?

— არაფერი! მე ამ ეზოყურეში ვარ დაბადებული და გაზდილი, მიყვარს და მინდა, რომ როგორც დავიბადე აქ, აქვე დავიმარხო სიკვდილის შემდეგ.

— კარგი არაფერია, თქვენმა მზემ!.. როგორ თუ აქ დაიმარხო? მერე ვინ გაძღვეს მაგის ნებას და უფლებას, მე პატრონს აღარა მკითხავ? კაცს საყდარივითა მაქვს აქაურობა დაცული და შენახული და ვილაცა ოხერის ლეშით ავაყროლო?!.. ჭკვას დაულავდი ძმავ!.. შენ, ჩემო მეგობარო, აი რა გიოხრა: ნელ-ნელა დაიწყე სიარული და გაუდექი გზას იქითკენვე, საიღამაც მოჰსულხარ. ამაზედ უკეთესი და

სასარგებლო შენთვის სხვა არაფერი იქნება.

ოსეფას ამისთანა გადაჭრილი პასუხის შემდეგ აფრასიონი იძულებული შეიქმნა მოენახა თვისი ამხანაგები და თანამოაზრეები, რათა მოელაპარაკნა მათთან მაზედ, თუ რა გზას დასდგომოდა იგი. მაგრამ, რადგანაც თანამოაზრეთაც მისდამი მიბაძვით თვითონაც მიეტოვებინათ საკუთარი საცხოვრებელი ადგილები და ბინა აშლილ ქათამსავით აქა-იქა მოდებოდნენ, ძრიელ დიდი ძებნა დასჭირდა მათი.

რამდენსამე მაინც მოუყარა თავი და გამართეს დიდი ბჭობა და თათბირი ამ საჭირ-ბოროტო საგანზედ.

რა რეზოლიუციას გამოიტანენ ბჭობა-თათბირზედ—ამას, რალა თქმა უნდა, ქვეყნიერობას ამცნობენ.

მელანია.

### რუსთველის ჰანგები (ესკიზი)

დღე-ღამის განმავლობაში, ზარბაზნების გრიალ-გუგუნის ღ თავგანწირულ ბრძოლის შემდეგ, ისევ სიწყნარე ჩამოვარდა.


ჰაერი თოფის წამლის და ადამიანთა სისხლის სუნით იყო გაჟენილი. ჯარისკაცებს თავ-თავიანთ თხრილებში მოეყარათ თავი და დალილ-დაქანცულნი, ზოგი დაჭრილ-დასახიჩრებულნი ამხანაგებს შეკლოდნენ, ზოგიც მთელი ორი დღის უჭმელნი, გამხმარი შავი პურით იკლავდნენ შიმშილს, მაგრამ საუბედუროდ ისიც არ ჰქონდათ საკმაოდ; არც იმის საშუალება ჰქონდათ, რომ დაკოდილი ჯარისკაცები ბრძოლის ველიდან გაეყვანათ და საველე საავადმყოფოში მოეთავსებინათ. ამის მიზეზი კი ის იყო, რომ მტერმა სწორედ ის გზა მოსჭრა, საიდანაც ჯარს სურსათი და საექიმო დახმარება უნდა

მიეღო. მდგომარეობა კრიტიკული იყო; ორში ერთი: ან დანებდებოდნენ მტერს, ან გაწყვეტილიყვნენ უკანასკნელ ჯარისკაცამდის...


ორი ქართველი აფიცრობდა ტელეფონთან იდგა. ერთ იმათგანს ტელეფონის მილი ყურზედ მიედგა და დრო გამოშვებით, ნაწყვეტ-ნაწყვეტად, იმეორებდა „მესმის“!.. „ვეცდები“!.. უმცროსი სულ ახალგაზრდა, 19—20 წლის პრაპორშჩიკი, მოუთმენლად ელოდა საქმის ვითარების გაგებას; ის გრძნობდა, რომ სიტყვები: „მესმის“, „ვეცდები“, პასუხი იყო ჯარის უფროსისგან მათდამი რალაც პასუხსაგებ საქმის დავალებისა...

— რაშია საქმე კაპიტანო? შეეკითხა ის უფროს აფიცროს, როცა ამ უკანასკნელმა ტელეფონის მილი თავის ადგილზედ დაკიდა და ჩიბუხს ასანთით მოუკიდა.

— გადაწყვეტილია, ვისარგებლოთ ღამის სიბნელით და გაუარღვიოთ ერთ-ერთ ადგილზედ მტრის ჯარი,



ზარბაზნის ვაგონი.



მცურავი ხილი საჩქაროდ ედებულა.

აქნება ღმერთი შეგვეწიოს და ჯარის ნაწილი მაინც გადავარჩინოთ... წინააღმდეგ შემთხვევაში, ან ტყვეობა მოგვევლის, ან მთლად ვანადგურება!.. კერძოდ ჩვენ გვიბრძანეს პირველად ვეკვეთათ მტერს ჩვენი ჯარით... გადაეცია ამხანაგ-აფიცრებს, მზად იყვნენს..

— ჰმ, თუ კი ვინმე ცოცხალი დარჩას.. ოხვრით წარმოსთქვა უმცროსმა აფიცრმა, — ჯარიც რომ განახევრებულია! ჩემი ჯარი თითქმის ორი მესამედი დარჩა ბრძოლის ველზედ უპანაკნელ იერიშის დროს!.. განსაკუთრებით ქართველებს არ გვწყალობს ბედი! რაც იყვნენ, ჯარისკაცნი, თუ აფიცრები, უმრავლესობა თითქმის გაწყდა...

— რა გაეწყობა! თუ სიკვდილი გვიწერია, ვეცადოთ მოგვედეთ სახელოვანად! მაგრამ... სუ! ეგ ვინ მღერის? — ოხ, ეგ სიტყვები!.. თითქოს ჩემდა საპასუხოდ არის ამ წუთში ნათქვამი!.. გესმის შალვა? ყური დაუგდე!.. მახლობელ თხრილიდან მკაფიოდ ისმოდა მომღერლის ხმა: — „ვერ დაიპირავეს სიკვდილსა გზა ვიწრო ვერცა კლდოვანი, მისგან ყოველი გასწორდეს, სუსტი და ძალ-გულოვანი,“ — უცბად გადაუხტა მომღერალმა და ასე დაათავა: „სჯობს სიცოცხლესა ნაძრახსა სიკვდილი სახელოვანი!..“

— რუსთველის ჰანგები! აღტაცებით წამოიძახა შალვამ და წუთის წინ სულიერის განცდით გაფითრებული სახე, ახლა უფრო გაუფითრდა. მან იცნო ეგ სიტყვები! მის გონებაში ნათლად გაიღვრა წარსულის მოგონებამ: როცა მას ბებია „ვეფხვის ტყაოსნიდან“ მოუყვებოდა შესანიშნავ ლექსებს, რომელსაც ბებია „რუსთველის ჰანგებს“ უწოდებდა.

სიმღერის ხმა შეწყდა. პრაპორშიკი და კაპიტანი ერთმანეთს შესჩერებოდნენ, თითქოს სურდათ ამ სიმღერით გამოწვეული გრძობა, ურთიერთისათვის სიტყვით გადაეცათ; სურდათ, გატყუებულიყვნენ იმ თხრილში, საიდანაც მოისმოდა ეგ გულის სიღრმემდე მიმწოდში ქართული ჰანგი, გადახვეოდენ მომღერალ ჯარისკაცს და გრძობით ჩაეკოცნათ.

— შალვა? შენ სთქვი, ეგ რუსთველის სიტყვები არისო? ხანგრძლივ სიჩუმის შემდეგ შეეკითხა კაპიტანი შალვას.

— როგორ, ბ. გიგო? თქვენ „ვეფხვის ტყაოსანი“ არ წაგიკითხავთ? გაიკვირვა შალიკომ.

— ეჰ, ჩემო ძმაო! მე მაგ ბედნიერებას მოკლებული ვარ... ან კი როდის უნდა წამეკითხა: სახლში, თუ სკოლაში, მუდამ უცხო სიტყვებს ვსწავლობდი, სკოლის შემდეგაც ისეთ წრეში ვერიე, რომ მივიკირს, სულ რატომ არ დამავიწყდა დედა-ენა; განა არ მატყობს რა ცუდად ვლაპარაკობ ქართულს? ამ მხრით შენ ჩემზედ ბედნიერი ხარ!.. შენ გეტყობა გვარიანად იცნობ ქართულ მწერლობას...

— სამაგიეროდ რუსულში, რომელიც ასე საჭიროა დღეს, როგორც ხედავთ, ძალიან ვკოჭლობ, ღიმილით უპასუხა შალიკომ და სახეზედ ცოტა წამოწითლდა.

— ეგ, არაფერია. დამერწმუნე, ათასი სხვა და სხვა ენა რომ გვეცოდნოდა, ვერ განვიცდიდით იმ სულიერ სიამეს, რომელიც ჩვენ განვიცადეთ ამ წუთში გაგონილ ქართული ჰანგებით! აი, ის ემოცია, რომელსაც იწვევს თურმე ადამიანში მხოლოდ მშობლიური ენაზედ ნათქვამი სიტყვები!.. განსაკუთრებით, როცა სამშობლოს მოწოდებით, უცხოთა შორის, სიკვდილის თვალეში შეჰყურებ! შენსა და მის შუა მხოლოდ ერთი ნაბიჯიდას!..

ტელეფონის ზარი კვლავ აწკრიალდა. კაპიტანი შეკრთა და მართლვარე ხელით ტელეფონის მილი ყურთან მიიღო. „მესმის!“... „მზათა ვარ, პოლკოვნიკო!“ ჩასძახა მან ტელეფონში და მილი თავის ადგილზედ დაკიდა.

— ავჩქარდეთ შალვა! მოვალეობა გვიწვევს! უთხრა მან შალვას და წასასვლელად მოემზადა.

— მეც მზადა ვარ კაპიტანო! მივდივარ იმ იმედით, რომ...

„უგანგებოდ ვერას მიზმენ შეცამებნენ ხმელთა სპანს; განგებაა, არ დავდგები, ლახვარნია ჩემთვის მზანი; ვერ მიხსნიან ვერც ციხენი, ვერც მოყვანსი, ვერცა ძმანი, ვინცა იცის ესე ასრე ჩემებრია გულოვანი!..“

— ოხ! გმადლობ შალვა, გმადლობ! მომეცი სიტყვა, რომ თუ ცოცხალი დავრჩით, მასწავლე ეგ შენი „რუსთველის ჰანგები“!

— კეთილი!.. — მაშ ეხლა ვაკოცოთ ერთმანეთს და ჰაიდა! და ერთმანეთს გრძობით ჩაეკონენ...

II

მთელი თვე გადის, რაც შალვა ა—შვილის მოხუც ბების თავისი შვილისშვილის წერილი არ მიუღია.

ეს კარგს არაფერს მოასწავებდა! წინეთ ყოველ კვირაში თითო წერილს მაინც აგზავნიდა შალიკო, კითხულობდა გამზრდელი ბების ამბავს, ამხნევებდა, ნუგეშს აძლევდა, თუმცა ხანდახან, გაკვრით ამასაც მოსწერდა: „ბები! დღევანდელი ომი არა გავს იმას შენ რომ გავიგონია. შენ ვერ წარმოიდგენ რა აუარებელი სისხლი იღვრება ამ ცოდვილ დედა-მიწაზე! ჩვენს მდგომარეობაში მყოფი, ბედნიერი თუ გადარჩება ცოცხალი! ხმალი და ძალა აღარ გადის, წავიდა ის დრო, როცა რომელიმე გმირი, ხმალ ამოწვდილი გადაერეოდა მტერს და მარჯვნივ და მარცხნივ კაფავდა და სხვ...“

ეს იყო და ეს! ამ უკანასკნელი წერილის შემდეგ შალვას წერილი არ მიუღია. ის დღეს მესამე ჰკითხულობდა ამ წერილს და თვალეები ცრემლით ევსებოდა. მაგრამ არა! შალვა ომში იყო, სიკვდილის წინ იღვა და ამ დროს განა ცრემლები უნდა „დაეხედებინა“ მისი ოჯახისათვის?!

— დედა ღვთისა ისე არ დამსჯის, რომ მისი სიკვდილი მომასწროს, — წაიბუტბუტა მან თავისთვის და იქვე ჩასვენებულ ღვთისმშობლის ხატს მიამატეოა თვალეები... ხატის წინ წმინდა სანთელი იწვოდა. მძიმე ნაბიჯით მივიდა ხატთან, თაროდან ლოცვანი ჩამოიღო, სთვალე გაისწორა და ის იყო შალიკოს სამშვიდობოდ „დაუჯდომელი“ უნდა წაეკითხა, რომ ამ დროს კარი გაიღო და ოთახში მეზობლის პატარა შიჭი შემოვიდა.

— ქალბატონო! ბაბამ სადღურადან ეს ქალბალი მეიტანა, შალიკოდან უნდა იყოსო, — უთხრა მოხუცს და გატუტყუიანებული წერილი გადასცა. უსიტყვოდ, აკანკალებული ხელებით, საჩქაროდ გახია ჩანთა, ამოიღო წერილი და სახტად დარჩა!.. — ეს შალიკოს ნაწერი არ არის! გაკვირვებით წარმოსთქვა მან და წერილი თვალეებთან უფრო ახლოს მიიტანა. წამი არ გასულია, რომ ერთი საზარლად, რალაც არა ადამიანური ხმით დაიკვილა და უსულიოდ იატაკზედ გაიშხლართა. შეშინებული პატარა ბიჭი, მოაჯირზედ გავარდა და ყვირილი მორთო, ხმაზედ მეზობლები ჩამოცვივდნენ, უფრო კი ქალები და მოხუცებულები, რომელიც იმ დროს სახლში იმყოფებოდნენ. — რა ამბავია, რა მოხდა? კითხულობდნენ ისინი და ერთი მეორეს ასწრებდნენ ოთახში შესვლას. მიცვივდნენ იატაკზედ გულ-აღმა დაგდებულ

მოხუცს, რომელსაც ცალ-ხელში რაღაც ქალბალი ეჭირა და მეორე ხელი მკერდზედ ჰქონდა ჩაკიდებული. ის უკვე ამ სოფლად აღარ იყო! უკანასკნელი ამოსუნთქვის დროს უკბილო ტუჩები ფართოდ გაეღო და სათვალის ქვეშ თეთრად გადმოკაკლული თვალეები უჩანდა...

— რა იყო, ბიჭო? რა დაემართა ამ საცოდავს? ეკითხებოდნენ მეზობლები პატარა ბიჭს.

— რა ვიცი, ე, ის ქალბალი მევიტანე და რომ გახსნა, ერთი დაიკვილა და დაეცა ძირს, — ტირილით ამბობდა პატარა ბიჭი... ერთმა მოხუცმა მიცვალეებულს წერილი ფრთხილად გამოართვა ხელიდან და იქვე მდგომ ახალგაზრდა ქალს გადასცა:

— მარო, წაიკითხე რა სწერია ამ წყუელს წერილში, ალბად ი უბედური ბიჭი თუ მოჰკლეს!..

მარომ წერილი გამოართვა და გასაგონად წაიკითხა: „დიდად პატივცემული ქალბატონო! ვსწუხვარ, რომ ბედმა მე მარგუნა გაცნობოთ საზარელი ამბავი: თქვენი ძვირფასი შვილის შვილი შალიკო, აღარ არის!.. მან გმირულად დალია სული ბრძოლის ველზედ ჩემს ხელში, ჩემის თანდასწრებით. მისი უკანასკნელი სიტყვა თქვენი სახელი იყო. მისი დავალეებით გწერთ ამ წერილი, გთხოვდათ მოთმინებით გადაიტანოთ ეს უბედურება... „თუ კაცი ქარსა ვერ დასთმობს, ღბინი რა დასათმობია“ — ო. ეგ სიტყვები მისგან ნაკარნახევია, ასე მისწერე ბებიასო, მთხოვდა უკანასკნელად... ჩემის მხრით კი შემძლია განუგეშოთ იმითი, რომ ღირსეული ადამიანის აღმზრდელმა თქვენმა შვილის შვილმა, ღირსეულად შეასრულა თავისი მოვალეობა... ღმერთმა მოთმინება მოგცესო. თქვენი ღრმად პატივისმცემელი კაპიტანი ო — ძე“.

ვაიმე ძმაო! ვაი შვილო! გაისმა წვილ-კვილი დამსწრე ქალთა შორის.

— ჯერ მიცვალეებულს მიხედეთ და მერმედ იტირეთ. თითქმის ბრძანებით შენიშნა ერთმა შავებით ჩაცმულმა მოხუცმა და მიუთითა მიცვალეებულზედ, — აიღეთ და თავის ლოგინზედ დაასვენეთ! ეგ ბედნიერი ყოფილა!.. ნეტავი მეც მასე მომსვლოდა, როცა ჩემი მარჩენალი შვილის სიკვდილის ამბავი გავიგე!.. ღმერთო ძლიერო!

— ვაი შვილებო! ვაი თქვენს უბედურ დედებს! — მკერდზე ხელის ცემით წარმოსთქვა შავ ძაძიანმა ქალმა და დაბლა დაეშვა... **ტაბუ.**

ეროვნის საპითხის ოცნება და სინამდვილა



ბერის, ბერის თუმანოვის საერობო ბუშტი,

ნებადართულია სამხედრო ცენზურისაგან



უცბად ბარგი ჩამოუჭრეს, თავში იცეს მუშტი!

რედაქტორ გამომცემელი სანდრო შანშიაშვილი.